



«Mottakernavn»

«Adresse»

«Postnr» «Poststed»

«Kontakt»

Saksbehandlar, innvalstelefon

Øistein Aasland, 5557 2322

Pressemelding - Oppstart av arbeid med ny forvaltningsplan for verneområda på Hardangervidda

Ny forvaltningsplan for verneområda på Hardangervidda

Dei tre statsforvaltarane og dei tre fylkesvise tilsynsutvala som er forvaltningsstyresmakt for Hardangervidda nasjonalpark, Skaupsjøen/Hardangerjøkulen landskapsvernområde og Møsvatn Austfjell landskapsvernområde, varslar med dette om oppstart av arbeidet med å revidere forvaltningsplanen for verneområda.

Forvaltningsplanen skal gje klare retningsliner for korleis verneforskriftene skal følgjast opp. Verneforskriftene viser og fleire stader til at forvaltningsplanen skal utdjupe forskriftene. Forvaltningsplanen skal innehalde ein besøksstrategi som seier korleis vernestyresmakta vil handtere ferdsel til verneområda på ein måte som ikkje er til skade for verneverdiane.

Tilstand for villreinen er hovudutfordringa

Den største utfordringa med å forvalte verneområda på Hardangervidda i dag, er omsynet til villreinen. I 2022 vart det lagt fram ein kvalitetsnorm som seier at tilstanden til villreinen på vidda er dårleg på grunn av kondisjon, førekomst av skrantesjuke, låg bukkeandel og fordi store delar av leveområdet er mindre i bruk av villreinen på grunn av for stor menneskeleg aktivitet. Låg bukkeandel skyldast nedkjemping av skrantesjuke, og ligg utanfor vernemyndigheitene sitt ansvar. Vernestyresmakta kan være med på å regulere ferdsel innanfor verneområda slik at dyra får tilgang til betre beiteområde med mindre uroing. Det vil betre kondisjonen, føre til at fleire kalvar overlever, auke jaktuttaket og gje fleire prøver av skrantesjuke slik at ein får betre kunnskap om smittesituasjonen.



Besøksforvaltning – besøksstrategi for verneområda

Arbeidet med forvaltningsplan vil gå parallelt med at det vert utarbeida ein felles sti- og løypeplan for Hardangervidda. Statsforvaltarane som vernemyndigheit vil gå i dialog med DNT og andre friluftsansjasjonar for å regulere ferdsel i områder kor belastninga er for stor.

Ansvar og organisering

Statsforvaltaren i Vestland er ansvarleg for arbeidet med ny forvaltningsplan, og dannar styringsgruppe saman med dei andre to Statsforvaltarane som dekkjer Buskerud og Telemark, og dei tre fylkesvise tilsynsutvala. Det blir sett ned ei bredt samansett prosjektgruppe som vil ha som mandat å leggje fram eit omforent framlegg til forvaltningsplan i løpet av 2025. Dersom det ikkje vert oppnådd semje, vil planen leggjast fram for Miljødirektoratet, som og skal godkjenne forvaltningsplanen fagleg før høyring.

Ynskjer å sjå på endringar i verneforskrifter

I Stortingets handsaming av villreinmeldinga, og gjennom arbeidet med tiltaksplan for villrein på Hardangervidda, er det føreslått fleire endringar i verneområda på Hardangervidda for å kunne ivareta både villreinen og prioriterte brukarinteresser på ein betre måte. Det er ynskjeleg å vurdere desse endringane som ein del av arbeidet med forvaltningsplanen, og foreslå endringar som er naudsynte.

Informasjon og innspel til oppstart av arbeidet

Nærare informasjon om arbeidet med ny forvaltningsplan blir publisert på nettsidene til Statsforvaltaren i Vestland, [Verneområde | Statsforvaltaren i Vestland \(statsforvalteren.no\)](https://statsforvalteren.no). Vernestyresmakta vil ha fleire informasjons- og innspelsmøter i samband med oppstart av arbeidet. Frist for å kome med innspel til oppstart av arbeidet er 25. oktober 2024.

Med helsing

Kjell Kvingedal
miljødirektør

Eline Orheim
seksjonsleiar

Dokumentet er elektronisk godkjent

Kopi til:

Statsforvalteren i Østfold, Buskerud, Oslo og Akershus
Statsforvaltaren i Vestfold og Telemark
Buskerud Tilsynsutvalg
Tilsynsutvalet i Telemark
Tilsynsutvalet i Vestland - for Hardangervidda nasjonalpark



Mottakerliste:

NRK Buskerud

NRK Vestfold og Telemark

NRK Vestland

Aftenposten

Nationen

Bergens Tidende

BA

Hardanger Folkeblad

Hallingdølen

Laagendalsposten

Rjukan Arbeiderblad

Vest Telemark Blad

Varden

Telemarksavisa